



Bosnian

Dragi roditelji/staratelji

Zadovoljstvo nam je izvijestiti vas o planovima Vlade Viktorije da unaprijedi učenje đaka time što ćemo uspostaviti nove standarde i usavršiti đачke svjedodžbe za roditelje.

### **Standardi od pripreme do desete godine**

U martu 2005 godine objavljeni su Osnovni standardi učenja u Viktoriji. U standardima su opisani osnovni elementi obrazovanja od pripreme do desete godine škole. U njima se ističe ono što je đacima najvažnije naučiti kako bi bili uspješni u školi, na poslu, u privatnom životu i u zajednici. Standarde je uspostavila Viktorijska nastavno/ispitna komisija (Victorian Curriculum and Assessment Authority) na osnovu zahtjeva koji je sačinila Vlada Viktorije u Nacrtu za državne škole.

Ovi standardi su dobili podršku svih sektora obrazovanja i od 2006 godine će se primjenjivati u svim državnim i privatnim školama u Viktoriji. Molimo vas, poslužite se priloženom brošurama koja vam pruža uvod u Osnovne standarde učenja u Viktoriji.

### **Testiranje u devetoj godini**

Viktorijska vlada nedavno je objavila da će se program testiranja đaka, Achievement Improvement Monitor-AIM (Kontrola ostvarenog napretka), u 2006 godini proširiti i na devetu godinu škole. Sve škole su pozvane da učestvuju. AIM testovi iz engleskog i matematike za devetu godinu će se održati u aprilu, tako da ćete dobiti rezultate do kraja drugog tromjesečja.

Testiranje će se obaviti na temelju novih Osnovnih standarda učenja u Viktoriji i pokrivat će širok spektar dostignuća, svojstvenih nivou đaka u devetoj godini. Testiranje će biti dodatak AIM testiranju u trećoj, petoj i sedmoj godini i pomoći će roditeljima i školi u procjeni napretka đaka u ovim oblastima.

### **Svjedodžbe za roditelje**

Ubrzo ćete primiti i obavijest o predloženim promjenama u svjedodžbama državnih škola. U državnim školama, nove đачke svjedodžbe za roditelje će vam omogućiti neosporno precizan uvid u rad vašeg djeteta u školi, a u njima će biti naglašeno na koji način će im škola pomoći u budućem radu, te kako im vi možete pomoći kod kuće.

## Informacije za roditelje

Viktorijska nastavno-ispitna komisija svjesna je koliko je važno pružati vam jasne i razumljive informacije o novim Osnovnim standardima učenja u Viktoriji. Kao dopuna priloženoj uvodnoj brošuri, početkom 2006 godine će se napraviti i dostaviti roditeljima još jedna informativna knjižica. Ova publikacija će vam predstaviti neke zanimljive pristupe nastavnom programu, u sklopu Osnovnih standarda učenja u Viktoriji, a koristit će tipična iskustva iz učenja đaka u raznim školama koja će odražavati različite načine na koje đaci uče.

Mi smo uvjereni da će ove inicijative pomoći đacima koji se obrazuju u Viktoriji u razvijanju znanja, vještina i ponašanja koje će im trebati za uspješno buduće obrazovanje, rad i život.



**Lynne Kosky, MP**  
Ministrica za obrazovanje i obuku



**Stuart Hamilton**  
Predsjedavajući VCCA